

Nunat Aqqinik Aalajangiisartut februaarip 28-anni 2008-mi  
Oqaasileriffimmi ataatsimiinnerat


Peqataasut.: Carl Chr. Olsen, Tukummeq Qaavigaq, Stephen Heilmann.  
Allatsi.: Lisathe Møller Kruse aamma Amalia Egede.

Peqataangillat: - Karl Elias Olsen. Nuummiinnginnini pissutigalugu.  
- Abia Abelsen. Allanik suliasaqarnini pissutigalugu.

### Oqaluuserisassat:

1. Tikilluaqqusineq
2. Nunat aqqi immap assingani 1231-mik normulimmiittut eqqortumik allanneqarnissaasa misissornissaat. Qeqertarsuatsiaap eqqaa Qeqertarsuatsiaap avannaatungaa ilanngullugu immap assingani nunat aqqi pineqarput (Exel fil: søkort 1231\_Qeqertarsuatsiaat).
3. Nunat aqqi immap assingani 1350-mik normulimmiittut eqqortumik allanneqarnissaasa misissornissaat. Kangerluarsorutsip kangerlua Kangerluarsorutsillu avannaatungikannera ilanngullugu immap assingani nunat aqqi pineqarput (Exel fil: søkort 1350\_Kangerluarsoruseq).
4. Nunat aqqi immap assingani 1335-mik normulimmiittut eqqortumik allanneqarnissaat. Maniitsup eqqaata avannaatunginngua ilanngullugu immap assingani nunat aqqi pineqarput (Exel fil: søkort 1335\_Maniitsoq).
5. Nunat aqqi nalunaarsorlaat akuerisassat, Maniitsup eqqaaniittut immallu assingani 1335-miittut aammalu Kangerluarsorutsip eqqaaniittut immap assingani 1350-miittut.
6. Aatsitassanut Ikummatissanullu Pisortaqarfimmiit suliaakkiissutit
  - a. Michael Rudy Schrøder No. A0554  
No. A0553
  - b. Jane Rusbjerg No. 2008/31  
No. 2008/32  
No. 2008/33
  - c. Ole Fjordgaard No. 2008/28
7. Taasariaqartut allat

- **1. pillugu** -



Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq. Ilanngullugu CCO-p eqqaavaa imaqarniliap suliarineqajaartarnissaa.

### - 2. pillugu -

Nunat aqqi nalunaarsugaareersut immap assingini 1231-meereersut, tassa Qeqertarsuatsiaat eqqaanniittut Kort- og Matrikelstyrelsenikkormiunit Excel programimut nuunneqarsimasut Nunat Aqqinik Aalajangiisartunit misissorneqarput. Nunallu aqqi eqqortut naqqiissutillu NAA-kkormiunit suliarineqareerlutik piareerneqarput.

Nunat aqqi pineqartut bilagini exel-filiusuni imatut atilinniipput: søkort 1231\_Qeqertarsuatsiaat.xls.

Qeqertarsuatsiaap eqqaani nunat aqqi nalunaarsorlaat ukiarmi 2007-mi akuerineqarlutik aalajangiunneqarsimasut KMS-mut ilanngullugit nassiunneqarputtaaq.

### - 3. pillugu -


Nunat aqqi nalunaarsugaareersut immap assingini 1350-meereersut, tassa Kangerluarsorutsimeersut Kort- og Matrikelstyrelsenikkormiunit Excel programimut nuunneqarsimasut Nuup kujataani nunaqarfiusimasumi Narsaq-mi peroriartorsimasumit Aalipaaraq Poulsenimit misissorneqarsimasut NAA-kkormiunit misissorneqarput. Sulili qallunaatuinnaq ateqartinneqartut amerlagineqarmata NAA-kkormiunit siunnersuutigineqarpoq Kangerluarsorutsimi peroriartorsimasoq attavigeriarlugu suleqatigineqareerpat immap assinga 1350 aatsaat sukumiisumik sammineqarumaartoq, piffissamilu tassani nunat aqqi akueralugit aalajangiussassat suliarineqarumaartut.

### - 4. pillugu -

Nunat aqqi nalunaarsugaareersut immap assingini 1335-meereersut, tassa Maniitsup eqqaanniittut Kort- og Matrikelstyrelsenikkormiunit Excel programimut nuunneqarsimasut Johannes Rosingimillu Maniitsormiumit misissorneqarsimasut Nunat Aqqinik Aalajangiisartut ataatsimiinnerminni misissorpaat. Nunallu aqqi eqqortut naqqiissutillu NAA-kkormiunit akuerineqarlutik aalajangiunneqarput.

Nunat aqqi pineqartut bilagini exel-filiusuni imatut atilinniipput: søkort 1335\_Maniitsoq.xls.

### - 5. pillugu -



Immap assingisa nutarterneqarnerisa kingunerisaannik nunat aqqi immap assingata 1335-p missaanniittut, tassa Maniitsup eqqaaniittut NAA-kkormiunit nalunaarsugaatigineqanngitsut Maniitsormiut nunat aqqinik ilisimasallit suleqatigalugit Lisathe peqatigalugu nalunaarsorneqarput. Nunat aqqi nalunaarsorlaat immap assingata 1335-p nalaanniitut 77-it NAA-kkormiunit akuerineqarlutik aalajangiunneqarput, nunap aqqa ataaseq "Qanngortoq" nunat aqqinik ilisimasalinnut apequtigineqartussaqaq minillugu. Nunat aqqi akueralugit aalajangiussat bilagimi word-filiusumi imatut atilimmiipput: Nunat aqqi akuerisat\_søkort 1335-p missaanniittut.doc.

- **6. pillugu** -

Aatsitassanut Ikummatissanullu Pisortaqarfimmiit suliakkiissutaasimasut ataaniittut ima taaguuteqartussatut NAA-kkormiunit aalajangiunneqarput:

a. Igasoq_2008_37	Igasoq
b. Qapiarfik_2008_38	Qapiarfik
c. No. 2008/33	Ataa

Ataatsimiinnermi eqqartugassatut ilanngunneqarnikuugaluartut sumiiffiit arlallit misissuiffigeqqaarnissaat pissutigalugit suli taaguutissaannik aalajangiiffigineqanngitsut ukuupput:

a. Michael Rudy Schrøder	No. A0554 No. A0553
b. Jane Rusbjerg	No. 2008/31 No. 2008/32
c. Ole Fjordgaard	No. 2008/28

Tulliani ataatsimiinnissami eqqartorneqarlutik aalajangiivigineqassasut NAA-kkormiunit siunniunneqarpoq.

- **7. pillugu** -

---

Carl Chr. Olsen  
Siulittaasoq

Lisathe M. Kruse  
Allatsi